

*Domine, memento mei
cum veneris in regnum tuum.*

✠ Lécitio sancti Evangélii secúndum Lucam 23, 35b-43

In illo témpore:

^{35b} Deridébant Iesum príncipes dicéntes:
«Alios salvos fecit;
se salvum fáciat,
si hic est Christus Dei eléctus!».

³⁶ Illudébant autem ei et mílites accedéntes,
acétum offeréntes illi

³⁷ et dicéntes:
«Si tu es rex Iudæórum, salvum te fac!».

³⁸ Erat autem et superscriptio super illum:
«Hic est rex Iudæórum».

³⁹ Unus autem de his, qui pendébant, latrónibus
blasphemábat eum dicens:
«Nonne tu es Christus?
Salvum fac temetípsum et nos!».

⁴⁰ Respóndens autem alter increpábat illum dicens:
«Neque tu times Deum,
quod in eádem damnatióne es?

⁴¹ Et nos quidem iuste, nam digna factis recípimus!
Hic vero nihil mali gessit».

⁴² Et dicébat:
«Iesu, meménto mei
cum véneris in regnum tuum».

⁴³ Et dixit illi:
«Amen dico tibi:
Hódie mecum eris in paradíso».

Verbum Dómini.